

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u vezi sa Zaključkom Vlade Zeničko-dobojskog kantona, broj: 07-03/14-16615/16 od 29.09.2016. godine, na prijedlog Ministarstva finansija, Vlada Zeničko-dobojskog kantona, na 84. sjednici, održanoj 29.12.2016. godine, d o n o s i

## ZAKLJUČAK

### I.

Prima se na znanje Izvještaj o realizaciji Mjera i aktivnosti koje je potrebno poduzeti radi provođenja preporuka Ureda za reviziju institucija u Federaciji BiH, po Konačnom izvještaju o finansijskoj reviziji Budžeta Zeničko-dobojskog kantona za 2015. godinu.

### II.

Zadužuju se svi budžetski korisnici da kontinuirano provode naznačene mjere i aktivnosti, postupe po preporukama i primjedbama i najkasnije 15 dana nakon završetka obračuna za 2016. godinu, Ministarstvu finansija i Uredu za reviziju institucija u Federaciji BiH, dostave izvještaj o izvršenju preporuka po Konačnom izvještaju o finansijskoj reviziji Budžeta Zeničko-dobojskog kantona za 2015. godinu.

### III.

Budžetski korisnici, koji do roka utvrđenog u tački II. ovog Zaključka ne provedu preporuke koje se na njih odnose, samostalno su dužni izvjestiti Ured za reviziju institucija u Federaciji BiH o razlozima neprovođenja preporuka.

### IV.

Zaključak stupa na snagu danom donošenja.

Broj: 02-\_\_\_\_\_/16.  
Datum, 29.12.2016. godine  
Zenica

**PREMIJER**

*Miralem Galijašević*

DOSTAVLJENO:

1x Ministarstvo finansija,  
1x Svim ministarstvima i drugim tijelima kantonalne uprave,  
1x Ured za reviziju institucija u F BiH (putem Ministarstva),  
1x a/a.



Broj: 07-03/14-16615-1/16  
Zenica, 12.12.2016. godine

**IZVJEŠTAJ O REALIZACIJI MJERA I AKTIVNOSTI KOJE JE POTREBNO  
PODUZETI RADI PROVOĐENJA PREPORUKA UREDA ZA REVIZIJU  
INSTITUCIJA U F BiH PO KONAČNOM IZVJEŠTAJU O FINANSIJSKOJ  
REVIZIJI BUDŽETA ZENIČKO-DOBOJSKOG KANTONA ZA 2015. GODINU**

**Uvod**

Vlada Zeničko-dobojskog kantona, Zaključkom broj: 02-14-16472/16 od 29.09.2016. godine, utvrdila je Mjere i aktivnosti koje je potrebno poduzeti radi provođenja preporuka Ureda za reviziju institucija u F BiH po Konačnom izvještaju o finansijskoj reviziji Budžeta Zeničko-dobojskog kantona za 2015. godinu, sa naznačenim nosiocima aktivnosti i rokom za završetak aktivnosti.

Na istoj sjednici Vlade donesen je Zaključak broj: 07-03/14-16615/16 od 29.09.2016.godine, kojim je zaduženo Ministarstvo finansija da prati realizaciju prethodno utvrđenih mjera i aktivnosti, te o istom izvještava Vladu Zeničko-dobojskog kantona svakih 60 dana.

**Izveštaj**

Po zahtjevu Ministarstva finansija, broj: 07-03/14-16472/16 od 09.11.2016. godine upućenog svim kantonalnim organima, upravama i službama, očitovali su se slijedeći budžetski korisnici:

- Po preporuci iz tačke 4. Izvještaja o reviziji koja se odnosila na unapređenje sistema Internih kontrola kod svih budžetskih korisnika očitovali su se budžetski korisnici Stručna služba za razvoj i međunarodne projekte, Ministarstvo za poljoprivredu, šumarstvo i vodoprivredu i Ministarstvo unutrašnjih poslova, u smislu uspostavljenog funkcionalnog sistema interne kontrole i poštivanja postojećih zakonskih propisa. Preporuka koja se odnosi na primjenu Zakona o internoj reviziji u javnom sektoru u F BiH i Pravilnika o kriterijima za uspostavu jedinice za internu reviziju u javnom sektoru u F BiH ne može biti provedena na zakonit način, obzirom na neusklađenost federalnih propisa. Iz navedenih razloga je potrebno, putem resornog ministarstva inicirati usklađivanje federalnih propisa, kao što i stoji u utvrđenim Mjerama i aktivnostima.
- U pogledu preporuka iz tačke 5. i 6. Izvještaja o reviziji koja se odnosila na dosljedno pridržavanje odredbi Zakona o budžetima u F BiH i Zakona o izvršavanju budžeta očitovali su se budžetski korisnik Ured premijera, Stručna služba Vlade, Stručna služba za razvoj i međunarodne projekte i Ministarstvo za poljoprivredu, šumarstvo i vodoprivredu u smislu da se isti kontonuirano pridržavaju navedenih zakonskih propisa prilikom izrade budžetskih zahtjeva i prilikom izvršenja budžeta. Primjedba se nije odnosila na izradu budžetskih zahtjeva, već na kompletnu proceduru donošenja i

izvršavanja Budžeta Zeničko-dobojskog kantona i odnosi se na sve budžetske korisnike.

- Skupština Kantona, Stručna služba Skupštine, postupila je po preporuci iz Tačke 6. podtačka 6.2.2. Izvještaja o reviziji, obustavljanjem isplata naknada sekretaru Skupštine za učešće u radu radnih tijela. Stručna služba Skupštine se o istom 09.08.2016. godine očitovala prema Uredu za reviziju institucija u F BiH.
- Po preporuci iz tačke 6. Izvještaja o reviziji, podtačka 6.2.1. koja se odnosi na obračun prekovremenog rada kod JU Univerzitet koji je potrebno vršiti na temelju podataka o stvarno odrađenim satima rada, nije postupljeno. Kako je preporuka trebala biti provedena uz obračun plaće za X/2016. godine, a Univerzitet u Zenici dostavio informaciju da će isto biti primijenjeno donošenjem Pravilnika o plaćama od 01.01.2017. godine, Ministarstvo finansija je zatražilo instrukciju od nadležnog Ministarstva u pogledu obračuna plaće za X/2016. godinu o čemu je dobilo stav da se na dosadašnji način izvrši obračun i isplata plaća za Univerzitet u Zenici za X, XI i XII/2016. godine. Međutim, naknadno Univerzitet u Zenici, obavještava, aktom broj 01-03-9-4015/16 od 02.12.2016. godine, Ministarstvo za obrazovanje, nauku, kulturu i sport i Ministarstvo finansija da je obavijest o primjeni novog Pravilnika o plaćama od 01.01.2017. godine vjerovatno rezultat nesporazuma i da to neće biti moguće. Dakle preporuka nije provedena, te je potrebno da konačan stav zauzme nadležno ministarstvo o tome.
- Služba za zajedničke poslove se očitovala po preporuci iz tačke 6., podtačka 6.2.2. da je sa 31.07.2016. godine prekinula angažman lica putem PPUP „Omladinac“ d.o.o. Zenica i raskinula Anex ugovora o poslovnoj saradnji. Takođe je izrađen i dostavljen na mišljenje Ministarstvu finansija Pravilnik o korištenju službenih vozila o kojima se stara Služba za zajedničke poslove, a u novembru 2016. godine donešena je Procedura za utvrđivanje i praćenje normativa utroška goriva službenih vozila. Vezano za istu preporuku kontrole potrošnje goriva kod Univerziteta u Zenici, isti nije postupio po preporuci, već u očitovanju navodi da će novi Pravilnik biti u primjeni od početka 2017. godine.
- Vezano za preporuku iz tačke 7., podtačka 7.1. da je potrebno sredstva depozitnih računa sudova isknjižiti iz finansijskih izvještaja, obzirom da ista nisu vlasništvo Kantona, Ministarstvo finansija je zatražilo mišljenje Federalnog ministarstva finansija, prema kojem je navedena sredstva potrebno isknjižiti iz finansijskih izvještaja. U toku je usaglašavanje oko načina knjiženja, obzirom na različite stavove Stručnih savjetnika za unutrašnju reviziju Ministarstva finansija i mišljenja gore navedenih institucija, tako da će se, nakon konačnog usaglašavanja, a do izrade Završnog obračuna za 2016. godinu donijeti odgovarajuće rješenje.
- Po preporuci iz tačke 7., podtačka 7.2. koja se odnosi na poduzimanje zakonom predviđenih mjera s ciljem naplate potraživanja, očitovalo se Ministarstvo za privredu, Ministarstvo unutrašnjih poslova i Ministarstvo za poljoprivredu, šumarstvo i vodoprivredu, koji su postupili po preporuci.
- Vezano za preporuku iz tačke 7. podtačka 7.3. koja glasi: „ U skladu sa Zaključkom Vlade o usvajanju Izvještaja o radu Radne grupe radi rješavanja statusa i knjiženja imovine date na korištenje i upravljanje drugim subjektima izvršiti isknjižavanje ulaganja u cestovnu infrastrukturu u korist krajnjih korisnika“, očitovala se Stručna služba Vlade koja traži da se kao nosilac aktivnosti ne definiše Stručna služba Vlade.

Kako se u narednom periodu ne bi ponavljala ova preporuka, potrebno je da Vlada donese odgovarajuće konačno rješenje po ovom pitanju, uzimajući u obzir da je u toku redovan godišnji popis sa 31.12.2016. godine, koji je i rok za realizaciju ove preporuke.

- Prema Odlukama Vlade namjenska sredstva se privremeno koriste za poboljšanje tekuće likvidnosti, a preporuka se odnosi na tačku 7. Izvještaja o reviziji, podtačka 7.5. Stručna služba Vlade kao nosilac aktivnosti utvrđen Mjerama i aktivnostima Vlade, predlaže da se ista zamijeni novim nosiocem Ured premijera Zeničko-dobojskog kantona.
- Pri izradi Završnog obračuna za 2016. godinu nosioci aktivnosti naznačeni u Mjerama i aktivnostima Vlade, će knjigovodstveno evidentirati obaveze po izvršnim sudskim rješenjima.

S poštovanjem,



Dostavljeno:  
1x Naslovu  
1x a/a